

清·方略館 編

清代 方略 全書

北京圖書館出版社



清代方略全書

二〇

清·方略館
編

北京圖書館出版社

清·阿桂等撰

平定兩金川方略

卷一三一——一三六
附藝術卷一——八

清乾隆刻本

平定兩金川方畧卷之一百三十一



正月癸酉。明亮舒常奏言。查獨松一道山梁橫
插河流。三面俱係陡壁。僅有一線上通之路。賊
礮憑高阻拒。自獨松以前爲卡拉爾。亦屬險峻。
再前爲舍斯滿。距獨松三十餘里。臣等隨於十
九日。派令奎林和隆武興兆德赫布珠爾格德
等。率同侍衛章京。分作數隊。彼此互爲策應。於

本日辰刻。搶上獨松礮內。賊人始猶放鎗滾石。
將及礮前。賊人倉皇四遁。復聚集於卡拉爾山。
梁。臣等竊念噶拉依破在旦晚。恐逆酋等先行
逃竄。則正地一帶。極爲緊要。自應迅速平定。以
絕其去路。隨一面發兵疾趨正地。該處各寨番
衆。均已伏地乞降。當卽准其所請。而卡拉爾舍
斯滿兩處番衆亦卽相繼投出。內有大頭人格

卜爾章阿善斯達拉木申爾勒外斯囊策克納

木四名。

臣

等目下統兵已過卡拉爾舍斯滿以

南尚有申爾木及馬爾邦等處。自宜乘勝掃除。

接通富德一路官兵。倘或噶拉依尚需添兵密

布。已札詢阿桂。俟其札覆。亦即可帶兵渡河而

東。以壯聲勢。

同日富德奏言。

臣

於十二月十九日。令舒亮副

將舒金泰副護軍叅領阿蘭泰傅森布等帶兵
一千餘名。分爲數隊。由太約進攻。壓至河沿。臣

與總兵斐慎巴克坦布等帶兵六百餘名。攻打
噶咱普得爾窩。於二十日丑刻。奮勇齊進。賊衆
施放鎗礮。我兵卽望賊人火光衝入。搶至溝邊
拋擲火藥。一時火燄飛騰。刀鎗並舉。賊衆勢不
能支。各棄礮逃竄。臣等乘勢追殺至馬爾邦。賊

衆乞命投誠。因將馬爾邦官寨及週迴寨落。盡行看守。而舒亮等從太約等處分路進剿。賊衆始猶抗拒。旋即敗竄。官兵追至斯第博堵。直抵馬爾邦。兩路會合。所得地方週迴百里有餘。礮寨木城卡子共百餘座。挈獲番人及投誠男婦甚多。其庚額特克丹九寨。即可相繼攻取。至現在新得地方。派兵看守不敷。卽飛檄李世傑哈。

青阿撥兵前來。李世傑等卽照檄發兵七百名。
後路分守。亦可無虞。均奏入。

上諭軍機大臣曰。明亮等奏攻克獨松。及卡拉爾舍。
斯滿一帶地方。覽奏欣悅。並據富德奏已攻得馬。
爾邦。斯第博堵。富德自至絨布寨以來。惟此次最。
爲奮勉。已交部將富德及將領員弁交部從優議。
叙。明亮等統俟大功告成。再加渥賞。

甲戌。阿桂、豐昇、額、海蘭察、額森特奏言。查瑪爾古當噶。爲進取舍喇嘛寺。噶拉依要路。丫口。旣設有堅礮。而喇烏喇左通木果木。右據瑪爾古當噶之上。賊人早已設礮聯絡。且深挖溝濠。布置更爲嚴密。若止從瑪爾古當噶進攻。恐賊得以併力拒守。必須首尾並擊。隨公同籌議。臣額森特從則。朗噶克丫口。上搶喇烏喇山梁各。

礮。

臣

海蘭察由瑪爾古當噶以南綽爾丹格薩

木山梁進攻。十六日夜。

臣

額森特先帶兵由則

朗噶克。一面拏柵上逼。一面分撥官兵從箐林

叢深之中潛密攀越而上。至相近大礮處所暗

爲埋伏。賊見我兵豎柵進逼。果於十七日寅刻

從高而下。突然衝擊。

臣

額森特卽督率埋伏之

兵。從箐林中間直攻各礮卡。將守卡賊衆全行

殲戮其侵擾拏礮之賊。望見我兵已據梁上礮卡。驚慌潰散。官兵奮力追殺。除滾落崖礮之外。殲戮甚多。遂乘勝循梁攻壓。將瑪爾古當噶礮卡佔據。並克獲山梁迤東一帶寨落。臣海蘭察之兵。派令福康安。普爾普。瑚尼爾圖等於十七日寅刻。分隊由噶占前進。將山梁左右寨落礮卡一併克獲。又從山坳前進。攻佔得爾隴山坡。

至是日夜。我兵齊抵舍齊喇嘛寺。四面奮攻。撲入寺內。將抗拒賊人。併力剿殺。得脫者甚少。其寺旁碉寨。亦俱乘勢搶佔。並殲其頭人當噶拉阿納木蒙固阿申。十八日。復進攻雍中喇嘛寺。其時各處潰散賊人。盡已歸入寺內。捨死抗拒。隨派普爾普官達色額爾特。從右進攻。福康安瑚尼爾圖泰斐英阿。從左進攻。而臣海蘭察率

同伊蘭保格勒爾德從中衝壓。至戌刻。官兵四面圍定。鎗箭如雨。賊不能支。當有喇嘛六十餘名出寺投降。餘賊驚慌奔潰。我兵追殺甚多。卽將雍中喇嘛寺封鎖。派兵嚴加看守。臣額森特卽於十八日帶兵從瑪爾古當噶順東山腿攻打。將格爾巴夾木巴雪寨下至克角干登亦經搶佔。此連日打仗攻克碉卡寨落五百餘處。殺

賊不計其數。查噶拉依碉寨。高堅鞏固。較勒烏
圍局面更大。詢之投出大頭人布籠普阿納木
達什阿庫魯。供稱索諾木及莎羅奔等兄弟五
人。以及丹巴沃雜爾。阿木魯綽窩斯甲等。均在
其內。率衆拒守。現在福康安。普爾普等帶兵。從
拉古爾向河拏卡。以圍賊人之右。臣海蘭察卽
從莫克巴扎木克什官寨。下至河邊。圍賊人之

左^臣額森特從克角干登下至喀爾巴河沿仍

各接拏木柵。兩三日內諒可合圍。則水陸俱斷。
賊酋等萬無逃竄之路。至金川大頭人達什阿
庫魯沙巴租普俱已投出。沙巴租普因帶伊家
口尚未到營。先將達什阿庫魯供詞錄呈。

御覽。至本日晚間有投番來稱。索諾木之母姑姊妹。
俱已投順。現於河西之甲納雜爾渡河前來。統

俟到時另行訊供奉

聞外於誘擒索諾木兄弟之事亦甚有裨益奏入。

上諭內閣曰連日兩路將軍馳報得勝捷音賊勢已

萬難支禦令阿桂又將附近賊巢之礮卡寨落五

百餘處全行掃蕩已將噶拉依四面圍攻水陸俱

斷指日即可擒渠掃穴迅集洪勲實由將軍阿桂

等調度精詳機宜悉中用能所向克捷甚屬可嘉